



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : 中华基督教会长洲堂锦江小学  
**学校名称** : THE CHURCH OF CHRIST IN CHINA CHEUNG CHAU CHURCH KAM  
KONG PRIMARY SCHOOL  
**Name of Play 剧名** : 暴风雨  
**Script writer 剧作者** : 陈道玲老师

**Synopsis 故事大纲 :**

俊仔是一名听障人士，妈妈非常紧张他，常常叮嘱哥哥伟仔要时刻照顾他。两兄弟要升中了，妈妈想两兄弟升读同一所中学，让哥哥继续照顾弟弟。因一次升中讲座和一次写作比赛，这个家庭上演了一场暴风雨，最后能否出现雨后彩虹？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

**角色：妈、伟仔、俊仔**

**地点：家**

伟 妈，你签咗回条未呀？

妈 （忙着化妆）吓？

伟 上个礼拜咪叫咗你签嘢，迟晒喇，全班得我一个未交咋，老师日日夺命 whatsapp 嚟追呀

妈 你老师咁得闲慨，阵间签

伟 你放咗边呀，我摆俾你，你即刻签

妈 枱面啫

（伟取了回条）

伟 哼

（妈签了，递回伟）

伟 你睇都唔睇就签？

妈 学校嘢，咪又系啲啲

伟 呢张系关于升中讲座，要剔去定唔去架

妈 唔去喇，你自己听啦

伟 学校请咗中学老师嚟讲俾家长听架，学生唔驶出席架

妈 得啦，有咩我问你班主任咪得嘢

伟 星期五夜晚嚟架，唔阻你返工架

妈 夜晚我要同你细佬温书呀，佢都要升中架。系吗，佢学校都有个升中讲座，几时呢？佢老师有 whatsapp 我(看电话).....星期五晚 7:30, OK

伟 （看到妈回复）你星期五去细佬学校听升中讲座？

妈 系呀，又会咁桥，咁咪好嘢，听一次就搞掂

伟 细佬嗰个同我学校嗰个唔同架



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

妈 咪又系升中。伟仔，你大个架喇，又醒目，好多嘢唔驶阿妈操心，你自己搞掂啦。我够钟返工喇，雪柜有餸，你一阵叮热同细佬食啦，记得洗碗呀！仲有，细佬啲数有啲唔识，你教佢呀，我走先喇。(返回)哎呀！差啲唔记得！翻风呀，提细佬戴返条颈巾，你睇住佢有冇哮喘发呀，有咩事即刻通知我。

伟 我约咗同学下昼出去打波嘞

妈 讲咗几多次呀！细佬唔可以一个留喺屋企架！万一火烛，佢又听唔到警钟声，咁点算呀。乖啦，听日先打啦，我听日放假，唔讲喇，系咁先啦。(妈走，伟超失望)

(俊仔出，做手语)

俊 哥，我有啲数唔识

伟 (看一看数学书)要计咗括弧入面啲数先，然后再乘，OK?

俊 哦，我明喇

伟 (帮俊戴颈巾)翻风呀，戴颈巾

俊 你只手好冻嘞，不如你戴啦

伟 条颈巾系阿妈织俾你架，戴住佢

俊 你戴啦

伟 我戴呢啲条颈巾会敏感架。肚唔肚饿？

俊 饿呀

伟 你计住数先，好快有得食

俊 唔该哥哥



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第二场**

**角色：张老师、小彤、伟仔**

**地点：学校**

彤 伟仔，你寻日做咩唔嚟打波呀？如果你嚟，我地就唔驶输得咁惨啦

伟 我都想嚟架，唔好讲喇

彤 下星期有场比赛，你嚟唔嚟架？你唔嚟我地搵隔离班架喇

伟 唔好呀！我.....我尽量啦

彤 你又要睇住个细佬呀？佢同你孖生架嘞，都成 11 岁仔啦，唔驶下下都要人陪住呀

伟 佢有听障架，冇人陪住佢，好容易有意外发生架

彤 唔系嘞，我见佢好醒目嘞，佢有返学加嘛，学校会教佢求生技能加嘛

伟 佢出到街，啲人又唔识手语，有事点求救呀？！

彤 用手机写字嘞。我见佢去上课外活动班，都要你陪住嘞

伟 我要翻译手语丫嘛。总之，细佬出入或者喺屋企，都一定要有人陪

彤 边个话架？

伟 我阿妈

彤 咁你细佬几时先唔驶人陪呀？

伟 点知呀

彤 如果我系你细佬，个阿哥好似贴身膏药咁，出街返屋企都见到你，我会觉得好烦嘞，我想有私人空间呀

伟 讲够喇

张 做咩咁大声呀？

彤 张老师，我地讲下笑咋，我约咗陈老师，走先喇

张 伟仔，咩事咁燥呀？

伟 张老师，我觉得好唔开心，我有好多嘢想做，但又因为要睇住细佬而做唔到。

张 你可以学吓点样分配时间架，又或者，同你父母倾吓



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

伟 我阿爸因为疫情，喺大陆落唔到嚟，香港得返阿妈照顾我地两兄弟。阿妈要返工，好忙，佢冇时间同我倾

张 所以佢嚟唔到升中讲座

伟 我地学校个升中讲座同我细佬学校嗰个撞咗期，我阿妈拣咗去佢嗰度

张 唔紧要啦，你有咩问题，我好乐意同你倾架。你之前讲过想入中西区英中，系咪呀？

伟 系呀，但系好多人争，我有乜信心

张 嗰间中学好着重语文慨，嚟紧有个全港小学写作比赛，你不如试下，如果赢咗，对你自行报考好有帮助架

伟 咁写咩好呀？

张 写啲你好有感受慨事或者人，感动到自己，先可以感动人加嘛

伟 嗯，明白